

## **Kayëta ixinëm ir Şaŋ in Lilaya in**

Ar yëgwëk kayëta ijo an wãcaya ko «Axarëk an». Okëreceŋ oñanar od bax fënënd kayëta ijo ok rek mëne Şaŋ, parëxanda ir Yesu Kërisët exo axarëk ajo. Gayikako bend kë sëyalind beŋ awëndër wëndërëk gë bend gër kayëta iyanar ir Şaŋ beŋ. Ata gër osëyali olo er ex: ediya ed gër ðal do gër aŋana el do gë ekwëyëta ed bër kë sëyalind bend fitarëk gë osëyali oyanar el. Er ex gër akayëta in:

End ar yëgwëk kayëta ijo eŋ: 1-3.

End apela and aŋana eŋ: 4-6.

End ekwëyëta ed bësëyali bënëgwëê eŋ: 7-11.

Bapela bapelatar baŋ: 12-13.

### *Ecëmar el*

<sup>1</sup> Wëno axarëk an këŋun yëgwënëlinde wëj Asoxari ar sana këŋo Kaxanu an, do gë obaê oreŋ ol. Wëno enim ñan këmun, ado dek bër nangëk ðal bën añan ñan kënun bête, ax gi ex na wëno fo.

<sup>2</sup> Añan ñan këmun gayik ðal in gër owëkw orebi ex do din kë bayi.

<sup>3</sup> Faba Kaxanu, gë Yesu Kërisët, Asëñiŋ, yëlëlenëbo oyekax ol, gë axayënan in do gë obetak ol ene dïyaxënënde gër ðal do gër aŋana.

*End ðal eŋ do gë end aŋana eŋ*

<sup>4</sup> Mbaŋ nengan ke ga sêk kêmëni obaŝ orey orëmar ga këni liyand gër dal, ang rek apela and yël këbo Faba Kaxanu ak.

<sup>5</sup> Do gërëgako wěj Asoxari ajo, axara xara këmi: balëringdëlebo andebi rebí aŋ. End këmi yëgwënëlinde eŋo awël wël këne elod gër yānar, ax gi ex na apela angaŝax.

<sup>6</sup> Aŋana aŋ ex edi ed er kë rend bapela band Kaxanu el. Awa apela aŋo yāpëk ene tēfe gër aniyān andebi ang wël këne elod gër yānar ak.

<sup>7</sup> Enimin, bēyifa bēranjëm ŝanayawëk gër ngwën do këni rend mëne Kërisët axo yow bana hi ko ala. Ata bën ex de bēyifa bën, bērangoyëra and Yesu Kërisët bën.

<sup>8</sup> Titinayin gër aniyān andewën, kërex capër na andiyen andebi aŋ. Barikan kemēnayin en cotaxën acosa anjekax aŋ.

<sup>9</sup> Ar kë baŝënd yo bendey becëxe, axo bayi ex na gë end sëyali këbo Kërisët eŋ fo. Ala ajo axo gi ex na ar Kaxanu. Barikan ar xwëtayak osëyali olo an, aŋar ŋar këni gë Faba Kaxanu do gë Asëñiŵ.

<sup>10</sup> Angëmëne ala exo yeli gër ndewën do axo mëlali ex na osëyali olo, këreno kacaf na gër iciŵ indewën, këreno cëmaaf na dëŋ!

<sup>11</sup> Gayikwa ar këŋo ŝëma an anëka ŝoma këŋo gër bandixa bañëñëx bandexëm.

### *Bepelatar beŋ*

<sup>12</sup> Ado ga yëmbëk bebër yëgwënili domun bën, axe ñandi bana mun pelëra gë oñëgw. Barikan ayar këme yarënd mun nëngali mun pelërax wëno dëŋ, do ebo nëngandëraxën biyi dek.

<sup>13</sup> Obaş or imaÿe itoxari indey ind sana këŋo  
Kaxanu ol ašëma këni šëmand.

**Oniyan**  
**Oniyan: Oniyan (New Testament+)**

copyright © 2017 Wycliffe Bible Translators, Inc.

Language: Oniyan

Contributor: Wycliffe Bible Translators, Inc.

All rights reserved.

2025-04-29

---

PDF generated using Haiola and XeLaTeX on 29 Apr 2025 from source  
files dated 29 Apr 2025  
8b7902f3-5e35-5b89-86b2-c6da1be458b9